



Suliffigissaaneq pillugu siunnersuisoqatigiit

Det grønlandske Arbejdsråd

2011 Ukiumoortumik nalunaarut

Tunuliaqut

Beskæftigelsesministeriap nalunaarutaa, Kalaallit Nunaanni Sullivinni avatangiisit pillugit inatsit nr. 1048, 26. oktober 2005 –meersoq naapertorlugu, Kalaallit Nunaanni Suliffigissaasut pilersinneqassapput. Kalaallit Nunaanni Suliffigissaasoqarnerup siunertaraa sullivinni isumannaatsunik peqqinnartunillu avatangiisinik pilersitsinermi illuatungeriit, sulisartut sulisitsisullu sunniuteqaqataanissaannik periarfississallugit.

Suliffigissaasut ataatsimiitsitaliap katitigaanera

Siulittaasq	Ivalo Egede
SIK	Beathe Hendriksen
SIK	Jokum Zeeb
PIP, PK og IMAK	Lisbeth Frederiksen (siulittaasup tullia)
AK & ASG ataatsimut	Avijaja Rohman Pedersen
SSK	Gerth Lundblad
GA	Karsten Klausen
KANUKOKA	Erna Thomsen
Namminersorlutik Oq.	Flemming Enequist
Atorfilittat aalajangersimasut	
Arbejdstilsynet	Jens Jensen
Arbejdstilsynet	Jesper Labansen

Ukiup ingerlasimanera naatsumik

2011-mi taaguut ”suliffigissaasut” allanngorpoq ima ”Suliffigissaaneq pillugu siunnersuisoqatigiit”, taaguut Ataatsimiitsitaliap atuuffinut qallunaatullu taaguutaanut nassuiaasunngortillugu.

2011-mi Suliffigissaaneq pillugu siunnersuisoqatigiit Qallunaat Nunaannilu Videncenter for Arbejds miljø suleqatigiilutik nittartagaq paasisitsiniaavik www.ilorraallak.gl. nittarsaappaat. Nittartakkap taassuma imarai uippakajaarneq nalerisimaarnerlu pillugit ilisimasat siunnersuutillu kalaallisuut. Allaaserisat nittartakkamit qallunaatumit frastresstiltrivsel.dk-miit nutsigaapput, 2007-mi Videncenter for Arbejds miljø-mit saqqummersinneqarsimasumeersut. Imarisaat pisortat suliffeqarfiini sulisunut saaffiginnittuupput, sulisunut pisortanullu, kisianni suliffeqarfiit tamarmik paasisitsiniutit taakkua iluaqutiginnaavaat. Nittartakkap taassuma nittarsaanneqarneranut atatillugu Kalaallit Nunaanni Suliffigissaaneq pillugu siunnersuisoqatigiit siulittaasuat Ivalo Egede ilaatigut imatut oqaaseqaateqarpoq; ”Sulinermut attuumassutilimmik uippakajaalartarnerup nunami maani qanoq annertutigisumik atugaatiginera ilisimangilarput, atugaasartorli ilisimavarput,

taamaattumik sivisuumik, nappaatinnguussinnaasumillu uippakajaaruteqalernerup qanoq pinaaveersaartinniarneqarsinnaanera qaammarsaatigissallugu pingaartuuvoq.”

Ukiuni qaangiuttuni ”Ukiup Suliffitsialaatut” taallugu unammissutigineqartarsimasoq ingerlateqqinniarlugu, 2011-mi Suliffigissaaneq pillugu siunnersuisoqatigiit nalunaarutigaat. Unammisitsineq ”Ukioq manna Sullivik avatangiisigissaarnerpaaq pillugu”-mik taaguuserneqarpoq. 2011-mi qulequtarineqarpoq sullivimmi avatangiisitigut tarnikkut atukkat, tassani suliffeqarfiit skemaq sulisuminnut immersortitassaralugu, tassani sulisut namminneq sullivimminni avatangiisitigut tarnikkut atukkaminnik namminneerlutik nalilersuisussaallutik. Ajoraluartumilli unammisitsinermut peqataarusullutik nalunaartut ima killeqartigisimapput ataatsimiitsitaliap unammisitsineq 2012-mut kinguartittariaqarsimallugu.

Inatsisit naapertorlugit sullivinni avatangiisit pillugit ilinniartitaaneq 2011-mi Kalaallit Nunaanni 16-riarluni ingerlanneqarsimavoq, asbestitalinnillu ingutserineq pillugu pikkorissaaneq ataaseq ingerlanneqarsimalluni (taanna Sanaartormermik Ilinniarfiup qallunaat ilinniartoqarfiat suleqatigalugu ingerlappaat).

Ataatsimiitsitaliap ataatsimiittarsimaneri

Ataatsimiitsitaliap 2011-mi pingasoriarluni ataatsimiissimavoq:

- Ataatsimiinneq nr. 1 ulloq 2. marts.
- Ataatsimiinneq nr. 2 ulloq 24. august.
- Ataatsimiinneq nr. 3 ulloq 16. november.

Innersuussutit & tusarniaaneri

Ataatsimiitsitaliap 2011-mi tusarniutigineqartunut marlunnut akissuteqartarsimavoq, taakkua tamarmik sulinermi avatangiisit pillugit inatsimmut allannguutissatut siunnersuummut tunngapput.

jf. §64 Sullivinni avatangiisit pillugit inatsit naapertorlugu maalaarutinik suliaqarneq

2011-mi Suliffigissaaneq pillugu siunnersuisoqatigiinnut maalaarutinik tunniussisoqarsimangilaq.

Sammisat allat

Ataatsimiitsitaliap pingasoriarluni ataatsimiissimanerata saniatigut tuaviortunik suligasuartittagaq Suliffigissaaneq pillugu siunnersuisoqatigiit ataanni inissisimasoq ”Ukioq manna Sullivik avatangiisigissaarnerpaaq pillugu” unammisitsinermut tunngatillugu aamma paasissutissiissutissatut suliniutigineqartunut Ataatsimiitsitaliap aningaasaliissutaanik suliaqarnermut tunngatillugu arlaleriaqaluni ataatsimiittarsimavoq.

Ataatsimiitsitaliap aningaasaqarnera

Suliffigissaaneq pillugu siunnersuisoqatigiit qallunaat aningaasanut inatsisaat aqqutigalugu aningaasalersugaavoq, 2011-mi 300.000 kr.-iuvoq. Ukiumoortumik naatsorsuutit naammassineranni aningaasaliissutinit kr. 288.555,10 atorneqarsimapput.

Ulloq 14. marts, 2012 Suliffigissaaneq pillugu siunnersuisoqatigiit ataatsimiinneranni akuarsissutigineqarput.



Ivalo Egede, siulittaasoq